

中國第一歷史檔案館編

雍正朝起居注冊

第一冊

中華書局

雍正朝起居注冊目錄

第一冊

雍正元年

四月

一

五月

二

六月

四〇

七月

五二

八月

七三

九月

九〇

十月

一一〇

十一月

一二七

十二月

一四三

雍正二年

正月

一六一

二月

一六八

三月

一八四

四月

二〇一

閏四月

二二八

五月

二三三

六月

二五二

七月

二六六

八月

二八六

九月

三二〇

十月

三三八

十一月

三五六

十二月

三八一

雍正三年

正月

四〇九

二月

四二七

三月

四四六

雍正朝起居注册

四月	四六八	十二月	八六八
五月	四八九	第二册	
六月	五〇五		
七月	五二三	雍正五年	
八月	五四四		
九月	五六〇	正月	九一七
十月	五八六	二月	九五五
十一月	六〇五	三月	一〇三三
十二月	六二九	閏三月	一〇九一
雍正四年		四月	一一五七
		五月	一二三九
		六月	一二七六
		七月	一三四三
		八月	一三九三
正月	六四七	九月	一四四七
三月	六八五	十月	一五二〇
四月	七〇三	十一月	一五六六
八月	七二七	十二月	一六二三
九月	七五八		
十月	七九七		
十一月	八四五		

第三册

雍正六年

正月	一七三二
二月	一七五八
三月	一八三二
四月	一九〇七
五月	一九六六
六月	二〇二五
七月	二〇九一
八月	二二六六
九月	二三二七
十月	二三〇四
十一月	二三七四
十二月	二四五〇

第四册

雍正七年

正月	一五三七
二月	二五七一
三月	二六三六
四月	二七〇六
五月	二七六九
六月	二八三五
七月	二九二七
閏七月	二九八九
八月	三〇四七
九月	三〇七
十月	三三六
十一月	三三五二
十二月	三三一九

第五册

雍正八年									
正月	二月	三月	四月	五月	六月	雍正十二年			
三 四 〇 九	三 四 三 九	三 四 九 八	三 五 六 六	三 六 一 四	三 六 六 二	三 七 〇 七	三 七 二 四	三 七 五 六	三 八 〇 五
十 月	十 一 月	十 二 月							
四 〇 三 八	四 〇 九 三	四 一 四 七							

雍正元年歲次癸卯四月十八日丁卯午時
上御乾清門聽政部院各衙門官員面奏畢大學
士馬齊嵩祝王頊齡白潢張鵬翮禮部侍郎
在學士裏行蔣廷錫工部侍郎在學士裏行
鄧德學士三泰胡煦諾岷史貽直以折本請
旨覆請禮部議奏追封孔子五世一疏
上曰五倫為百行之本天地君親師人所宜重而

天地君親之義賴師教而益著自古師道之隆
至孔子之聖無以復加我

皇考崇儒重道超軼千古凡尊崇孔子典禮無不備
至朕蒙

皇考教育自幼讀書心切景仰欲再加尊崇更無可
加之處故勅部追封孔子五世今部議封公上
考歷代帝王各有尊崇之典唐明皇封孔子為

文宣王宋真宗加封至聖文宣王封聖父叔梁
紇為齊國公元加封孔子為大成至聖文宣王
加齊國公為啟聖王至明嘉靖間猶以王係臣
爵改稱至聖先師孔子改啟聖王為啟聖公王
公雖同屬尊稱朕意以為王爵較尊孔子五世
應否封王之處着問諸大臣具奏又覆請吏部
等衙門議奏川陝總督年羹堯甘肅巡撫盧

詢山西巡撫德音保題卓異官九員一疏

上曰本內馮敬玉已授知府准為卓異存註檔案

又覆請戶部議准四川巡撫蔡珽題請成都
府駐防滿洲官兵俸餉草豆等項銀兩一疏

上曰各省給發駐防官兵米穀草豆等項價值不
一着交與吏戶兵三部各省駐防滿漢官兵除
照定額給發米穀草豆價值

曾定額多寡不一之省分理應照本省歷年給發之中價畫一定議價值一定便於遵行如遇年豐價平稍有贏餘於官兵亦屬有益倘歲歉價貴該督撫據實陳奏朕自加恩又覆請禮部議奏朝鮮國所進今年

皇上萬壽聖誕表文貢物限九月內到京一疏
上曰朝鮮國所進萬壽表文貢物不必於九月內

來京仍照例於十二月內與年貢同進又覆請直隸巡撫李維鈞所題築太行等堤用過銀二萬餘兩請公同捐助一疏

上曰甄家庄四處漫決堤工用過銀兩皆係緊要工程動用不必捐助着以正項錢糧奏銷又覆請吏部所題更換稽察錢局給事中赫碩色一疏

上曰稽察錢局皆論俸派出錢局事關緊要着吏部都察院揀選二員擬正陪引見具奏又覆請江寧將軍雍吉納所題該處步兵七百名不敷巡察請再添步兵一百名一疏

上曰將軍雍吉納來時朕曾面諭着照該將軍所請添步兵一百名又覆請吏部所題給與尚書勵廷儀等十五員廕生一疏

上曰勵廷儀已陞授尚書着給與一品廕生又覆請古北口提督董象緯所題伊標下中軍參將等缺請將包進忠等補授一疏

上曰着照該提督所請補授
上又顧大學士等
諭曰爾等皆

皇考簡任耆舊大臣論年齒雖與



皇考差等若經歷事務焉能仰及

皇考萬一

皇考實足為爾等之師是以爾等但能奉遵

諭旨斯稱善已朕自幼未曾理事亦未曾留心

皇考傳朕大統朕深以付托之重為念凡朕所降諭

旨爾等以為是則曰是以為非則即奏聞勿得

面從雖封還硃批諭旨朕亦深喜斷不譴責朕

如此信任爾等若但附和是自取辱也聽政畢

召領侍衛內大臣八旗都統前鋒統領護軍統領

副都統進前

諭曰國家武備甚屬緊要爾等皆有訓兵之責昔

皇考嘗親率士卒寓訓練於較獵之中

皇考騎射軼倫超羣士卒無不欽服各相鼓勵並非

爾等訓練所致朕不能如

皇考躬親訓練是屬爾等專司但訓練士卒有實心

操習者亦有虛應故事者爾等雖按期較射以

圖塞責不過閒談飲茶而散非但徒勞軍士爾

等亦徒多往返何益之有此皆朕居藩邸時素

所深知者今欲察訪何難即聞前吳爾占任領

侍衛內大臣三年詢以侍衛騎射奏云不曾經

見

皇考宥之朕則不能寬恕矣爾等若能盡職朕必全

爾顏面爾等亦宜全朕之孝思嗣後爾等務宜

實心訓練比來軍士生計維艱

皇考養士六十餘年恩賚頻施無不周備以天下之

正供贍養兵丁如此外再欲加增錢糧亦恐難

給兵丁生計之艱其故雖多大抵因奢侈所致

爾等皆管兵之人應將平素守

獎進之奢侈者即教訓而挫辱之知懲勸矣此事一時亦難移易朕與爾等約限三年如三年後仍不能改爾等之罪不止罷黜况一經罷黜萬無再用之理至彼時爾等慎勿怨悔復召大學士九卿進前

諭曰朋黨原非善事明季各立門戶互相陷害此風至今未息一結朋黨兩黨必致一傷

皇考執中宥物各與保全不曾戮及一人爾諸臣內不無立黨營私者即宗室中亦或有之爾等若以向蒙

皇考寬大幸免罪愆仍蹈前轍誘惑朕之無知弟姪不改惡習徒致殺身滅族有何益處昏昧極矣即滿漢均屬一體有如一家的若因此害彼亦良足惜且人之性各相投契通國之人豈能盡合

但公事不可存私昔朕居藩邸時若有與爾等議及私事賄買人心密相往來之處今爾等俱在朕前豈能降此諭旨乎

皇考知朕向無偏倚斷無殺戮之事方以大統付朕亦惟朕方能保全不殺耳朕非獨感

皇考托付鴻基之思實念

皇考弘慈為朕委曲周至是以感慕無極今大臣內

惟舅舅隆科多孤立無援深邀

皇考知遇結黨之事爾諸臣有則痛改前非無則永以為戒爾等當上念

皇考數十年寬厚之恩亦當共體朕曲宥保全之意若仍怙惡不悛朕雖勉體

皇考聖衷極力寬宥但迫朕於不能忍之時憑

皇考之威靈執法誅戮誰曰不可若朕當為之即

一册
宜遵行若有不合即行奏聞朕在堂據陳况朕
屢詔求言雖小臣欲進言者咸得上達有時召
入屏去左右令其面陳爾諸臣非不得奏之人
乃隱而不言及退而私議乃謂某人不當用某
事不當行此乃卑汙之惡習也夫朕所用之人
所行之事如有不當爾等身為大臣何難陳奏
所言果是朕即用爾言孟子云吾君不能謂之

賊如不奏而但行議論設有人詰以不奏之故
汝能無愧耶朕之所好爾等即宜好之朕之所
惡爾等即宜惡之有人以為國効力朕所信用
者謂其專擅作威如此則孰肯效此盡力之人
而甘受誹謗乎有但知自守非問不對漠不以
公事為念者彼獨善一身於國何補夫君親大
義也而君為尤重譬如父之所仇反與之善父

之所愛反與之不善有是理乎要之臣以君之
好惡為好惡則君臣一心人知改過遷善實國
之福傳之萬世亦有令名爾等其祇承朕諭永
遠遵行

是日

起居注官勵廷儀阿克敦伊都立何國宗

臣等欽惟我

皇上至孝性成自登

大寶以來不忍

御門聽政五閱月諸臣敦請再三方荷

俞允

臨御之時首挈倫常大義昭示天下尊崇孔子追

封五代以部臣所議公爵終在王爵之下

特諭加封所以立大經大法之準而端本末之俗

之原者莫過於此矣閣部諸臣臣面陳章奏皆隨幾剖決允得時措之宜又進文武大臣諄諄

勸諭杜其朋黨勉其公忠戒其侈靡責其訓練寬期以立其程明法以懲其惰仁育義正兼而有焉自

御門之初迄竣事之後瞻仰

天顏哀慕無已嗚咽涕泣諸臣無不感動臣等忝司記注匪敢掄揚謹據事直書以紀千秋盛事云

十九日戊辰

是日

起居注官岳色李鍾義

二十日己巳

是日

起居注官常保劉於義

二十一日庚午

是日

起居注官何國宗覺羅逢泰

二十二日辛未辰時

上御乾清門聽政部院各衙門官員面奏畢大學

士馬齊嵩祝王頊齡張鵬翮禮部侍郎在學士裏行蔣廷錫工部侍郎在學士裏行鄭德學士三泰胡煦史貽直詹事府詹事署學士伊都立以折本請

旨覆請兩廣總督楊琳題留迴避知縣年則堯補用廣西知縣一疏

上曰年則堯人不及着革退楊琳將應題知

縣年則免狗庇題留補用廣西知縣屬不合
着飭行又覆請吏部等衙門議叙進藏軍前効

力人員一疏

上曰這議叙人員所運米糧尚未到木魯烏蘇將
年羹堯運到米糧支用宋聚業並未親去亦行
議叙這運糧事不實着發與年羹堯逐一查明
具奏又覆請都察院議奏嚴拿潛匿缺主與年

滿書辦俱發回原籍一疏

上曰嗣後缺主與年滿書辦發回原籍之處着各
部院一年一次保結具奏倘仍有潛居京師者
或經朕聞知或被科道題參將保結具奏之大
臣官員一並治罪又覆請宗人府議奏宗室公
景兆應革去散秩大臣並公爵一疏

上曰景兆着革去散秩大臣其公爵從寬免革又

覆請兵部議奏原任護軍統領陳泰應革侯
爵一疏

上曰此案蘇努已從寬免罪陳泰亦從寬免革侯
爵又覆請刑部議駁山西巡撫德音將已叅知
縣錢甫生擬以軍罪援

赦邀免一疏

上曰這事情部駁甚是着發與新任巡撫照部駁

審明具奏又覆請刑部議將戮傷伊主之石圖

擬斬立決一疏

上曰石圖改為應斬着監候秋後處決又覆請刑
部議將殺死四命之郝四凌遲立決一疏

上曰郝四改為即處斬又覆請刑部查噶禮案內
沙飛船一摺

上曰此與他人無涉俱由原任總督蘇昌奏結

價之時並不詳察狗情少估報部著交與工部
照該部修造沙船定價將此四船丈尺估定價
值著落赫壽之子賠補奏畢

上又曰侍讀學士田雯鏡祭嶽回時朕詢及沿途
地方民生情形奏云山西平定州等處民生甚
艱地方官現今尚在徵比錢糧朕即差田雯鏡
連往賑濟况年羹堯來京時曾囑德音應查荒

歙州縣奏請緩征至今並未奏聞夫巡撫為地
方大吏一聞民饑即應入告今德音既不奏聞
反行徵比錢糧不勝巡撫之任德音從寬免革
職著回京在學士處効力行走這員缺著諾岷
補授森圖人不及革去布政使着在叅領處効
力行走這員缺著連肖先補授

上又顧大學士等

諭曰

皇考者舊大臣朕俱加恩惟大學士王碩齡尚未加
恩着該部議奏

是日

起居注官岳色常保李鍾義劉於義

二十三日壬申

是日

起居注官何國宗覺羅逢泰

二十四日癸酉

是日

起居注官伊都立李鍾義

二十五日甲戌兵部啟奏十日摺子奉

旨着傳諭軍前及各省盛京寧古塔黑龍江將軍
督撫提鎮等近見尋常奏摺及
物者

多乘驛前來嗣後不可無故檢驛站傳知各省如請安摺子可與緊要事件同奏限三月以後有乘驛前來者着將乘騎之處奏聞若不應乘驛者傳旨毋令乘驛回去

是日

起居注官岳色劉於義

二十六日乙亥辰時

上御乾清門聽政部院各衙門官員面奏畢大學士馬齊高祝王頊齡張鵬翮禮部侍郎在學士裏行蔣廷錫工部侍郎在學士裏行鄧德學士三泰胡煦史貽直詹事府詹事署學士伊都立以折本請

旨覆請太常寺所奏夏至祭

地於

方澤遣官一員恭代四從壇遣官四員分獻一疏

上曰遣裕親王保泰恭代四從壇遣普照孫查齊伊爾哈岱蘇庫分獻又覆請戶部議准右衛副都統努爾布所奏公庫銀兩照常借與官兵一疏

上曰此項支借銀兩原為有益官兵其果否支借或該管官員有無指名侵用情弊及庫內現存

銀數遣副都御史牛鈕給事中鄂托拜速往查核再出征官兵支借庫銀亦有豁免者一並查明議奏又覆請兵部議駁兩廣總督楊琳所題潮州鎮標右營遊擊員缺無應題補之員一疏

上曰該督既奏稱無應題補之員朕今日看侍衛揀選發去又覆請工部議修

盛京

三陵及奉天寧古塔等處船隻所需車價銀兩奏銷
給發一疏

上曰盛京等處領取顏料桐油等項所需車價銀
兩部議移咨戶部支給若由戶部支給事屬重
複這備領車價銀六千兩着工部於戶部支取
貯庫俟盛京差官領取物料之日酌量輕重核

算車價交與差官其用過銀兩數目及節省緣
由着年終奏銷又覆請吏部所議將工部題參
主事潘朝選革職郎中藏珠罰俸一年一疏
上曰郎中藏珠問伊該管大人已有旨了此疏着
暫收存又覆請吏部所奏給與衍聖公孔毓圻
等十四人廕生一疏

上曰滿丕不必給與廕生又覆請刑部所議西安

馬兵雙頂因姦致死十歲家僮一案援

赦免其發遣仍枷號三個月鞭一百一疏

上曰雙頂人甚凶惡不便援赦着仍發往三姓地

方當差又覆請原任江寧巡撫吳存禮題請准

安關缺欠錢糧限三年賠補一疏

上曰這所缺准開稅課吳存禮交與何官料理因
何虧缺如許錢糧之處着漕運總督河道總督

江寧巡撫會同嚴察議奏聽政畢

召入大學士馬齊嵩祝奉

上諭朕臨御以來宵旰憂勤凡有益於民生者無

不廣為籌度因念國家承平日久生齒殷繁地

土所出僅可贍給倘遇荒歉民食維艱將來戶

口日滋何以為業惟開墾一事於百姓最有裨

益但向來開墾之弊自州縣以至督撫俱需索

陋規致墾荒之費浮於買價百姓畏縮不前在
往膏腴荒棄豈不可惜嗣後各省凡有可墾之
處聽民相度地宜自墾自報地方官不得勒索
胥吏亦不得阻撓至升科之例水田仍以六年
起科旱田以十年起科著著為定例其府州縣
官勸諭百姓開墾地畝多者准令議叙督撫大
吏能督率各屬開墾地畝多者亦准議叙務使

野無曠土家給人足以副朕富民阜俗之意該
部即遵諭行

是日

起居注官阿克敦何國宗覺羅逢泰李鍾義

二十七日丙子

是日

起居注官常保何國宗

二十八日丁丑

是日

起居注官覺羅逢泰李鍾義

二十九日戊寅

是日

起居注官伊都立劉於義